



Kêr ar skiantoù

E fin ar XVIIvet kantved, pa oa bet krouet al liorz-houzawouriezh en Ospital ar Morlu e Brest, e voe kroget gant an enklask skiantel e beg Penn-ar-Bed.




Ce site utilise des cookies pour favoriser votre navigation et enrichir les contenus qui vous sont proposés. Vous pouvez néanmoins les désactiver à tout moment si vous le souhaitez.

Mentions légales

✓ OK, tout accepter

Personnaliser



E-kerzh an dekvloaziadoù da-heul ez eas kuit nospet ergerzhadenn eus kaeoù ar Penfell war-zu ar broioù pell. E-giz-se

e oa bet Commerson, de Bougainville, La Billardière, Lapérouse ha re all o prientiñ o beajoù e Brest. Diwar levezon spered ar Sklêrijenn, kaset war-raok gant Akademiezh roueel ar Morlu etre 1753 ha 1792, e oa bet broudet ar c'hoant d'anaout gwelloc'h ar bed ha diazezet un dro-spered a gaver e meur a ziskiblezh hiziv an deiz c'hoazh.

E Liorzh an ergerzherien a zo ur gwel-kaer ac'hano war beg ar Penfell, evit reiñ ton d'ar re gentañ o doa lusket an enklask e tiskouezer o c'havadennoù war dachenn ar plant en un doare ijinus. Delc'her a ra Mirva louzawouriezh broadel ar Stangalar gant al labour boulc'het gant an dud-se. Staliet eo e-kreiz ur park publik 31 hektar dezhañ, en un draoñienn gwarezet. Ober a ra an aozadur-se, abaoe ma oa bet krouet e Brest e 1975, war-dro ar plant a zo en arvar da vont da get, dreist-holl ar re a zeu eus an inizi meurvorel. Eno e vez gounezet pe miret e skornereziou ouzhpenn 1 700 spesad, gant-se ez eus gant Mirva Brest unan eus an dastumadoù brasañ er bed evit a sell ouzh ar plant en arvar da vont da get.

Ha pa n'he deus ket gellet Akademiezh roueel ar Morlu e Brest padout war-lerc'h an Dispac'h Bras, he deus degaset c'hoant d'ar remziadoù a zo deuet goude da vont war hent an avantur skiantel, ha lezet he deus war he lerc'h, dre he levraoueg, un dastumad levrioù hag a zo aet d'ober diazezoù Servij istorel an Difenn a zo staliet war ar porzh-kenwerzh. Dont a ra kalz enklaskerien da furchal en dastumad dielloù talvoudus-se.

Tostoc'h ouzh hon maread, en eil lodenn an XXvet kantved, e teuas Skol-veur Breizh-Izel hag Efremer, Ensavadur Frañs an enklaskoù evit korvoiñ ar mor, d'en em staliañ ha da dapout lañs, ar pezh a lakaas Brest da vezañ unan eus ar c'hreizennoù pennañ er bed evit a sell ouzh anaoudegezh metoù ar mor. Nevesoc'h zo c'hoazh e oa bet krouet, e diabarzh an SBI, Ensavadur Skol-veur europat ar Mor, a gemer perzh el lusk-se. En deiz a hiziv e kaver tost da 70 % eus an enklaskoù e Frañs war dachenn ar morioù war ribloù Morlenn Brest, lec'h ma vezer troet da studial mor an Hirwazh koulz hag an takadoù polel. Ingal a-walc'h e vez degaset barregezhioù nevez hag a zeu da binvidikaat ar rouedad-se a ra war-dro an danvez a-fet spesadoù loened, an energiezhioù mor, saotradur an aodoù pe an hin a ya war dommañ. Evit echuiñ, pa'z eus lusk gant an enklask e Brest, pa'z eo liesseurt hag uhel e live, e c'heller bep bloaz disklêriañ eno tost da zaouzek breved, meziant pe merk, hag ivez sinañ ouzhpenn 200 kevrat ijinerezh pe kenwerzh gant embregerezhioù rannvroel, broadel pe etrebroadel.

E Brest ez eus ivez ul lec'h kaer ha brudet ma vez lakaet an holl draoù-se war wel en un doare skiantel ha pedadogel. Al lec'h-se eo Océanopolis, ar park evit ober anaoudegezh gant ar morioù, ennañ tri favilhon gouestlet d'an ekosistemoù polel, trovanel ha kerreizh, hag abaoe 1990 e teu a-benn, gant un hanter-kant akwariom bennak, da blijout d'ar muiañ a dud anez koll e berzhioù skiantel strizh a oa bet diazezet gant ar re o doa savet anezhañ.

Dernière mise à jour le : **06 novembre 2018**



Brest
MÉTROPOLE & VILLE

HÔTEL DE METROPOLE

24, rue Coat-ar-Guêven - CS 73826

29238 BREST CEDEX 2

Tel. : 02 98 33 50 50

www.brest.fr

Accueil au guichet :

Lundi au Vendredi : 7h45 à 18h30 (17h30 pendant les vacances scolaires)

Accueil téléphonique au 02 98 33 50 50

Lundi au Vendredi : 8h /18h

Samedi 8h30/12h30

Hôtel de ville de Brest

2, rue Frézier - CS 63834

29238 Brest cedex 2

Tel. : 02 98 00 80 80

www.brest.fr

Accueil téléphonique :

02 98 00 80 80

Lundi au Vendredi de 8h à 18h

Samedi de 8h30 à 12h30